

## PROGRESSIO

### Vizaun Jerál kona-ba Organizasaun no Aproximasaun kona-ba Jéneru

Harii iha 1940, Progressio (ne'ebé uluk bolu naran CIIR ka Catholic Institute of International, iha lia Inglés) NGO internasionál ida ne'ebé bazeia ba fee. Nia iha sede sentrál ida iha Inglaterra no ida seluk iha Irlanda. Organizasaun ne'e iha programa iha fatin sanulu resin ida (11) iha mundu 'global South' - Yemen, Somaliland, Namibia, Zimbabwe, the Dominican Republic, Honduras, El Salvador, Nicaragua, Ecuador, Peru no Timor-Leste. Progressio nia doador prinsipál sira mak Inglaterra nia Departamentu ba Dezenvolvimentu Internasional (DFID - Department for International Development). Hahú iha 1970 Progressio iha lian ida maka'as entre nia apoiu radikál ba Igreja Katólíka no luta libertasaun iha mundu tomak, no hahú iha 1976 nia promove no defende Timor Leste nia libertasaun.

#### **Justisa Jéneru nian:**

- **Kompromisu ba justisa jéneru ninian reprezenta elementu sentral iha ami-nia servisu. Atu hakat liu diskriminasaun, ami servisu ho labarik no mane klosan sira no mós ho feto sira atu analiza relasaun jéneru nia abut no sadik jéneru nia estereótípu. Ami dezenvolve maskulinidade nia metodolojia ida, ne'ebé ami iha planu atu lori ba oin. Hanesan organizasaun ida ne'ebé bazeia ba fee, ami buka atu promove feto sira ne'ebé iha fee ninia imajen pozitivu.**

Progressio, *A Strategic Framework 2005-2010*, 2005, p. 11.

Progressio nia objetivu prinsipál maka atu hetan igualdade sosiál no halakon kiak. Progressio buka servisu liu-liu ho ema kiak no marjinalizadu sira iha comunidade nia laran. Maibé Progressio la konsentra de'it nia atensaun ba mudansa material. Organizasaun ne'e nia interese boot ida maka atu asegura katak setór marjinalizadu sira iha comunidade nia laran hetan estatutu ida iha comunidade nia laran ne'ebé sira bele iha liu kontrola ba prosesu no desizaun hirak ne'ebé iha inpaktu ba sira-nia moris. Igualdade jéneru kona-ba asesu ba rekursus no forma poder Progressio ninia vizaun kona-ba mudansa sosiál, ekonómika no polítika.

Iha kadru jerál Progressio nia vizaun, iha tema dezenvolvimentu prinsipál tolu ne'ebé forma organizasaun ne'e nia servisu maka: sociedade sivil nia partisipasaun, HIV no AIDS, no meu-ambiente sustentável. Progressio servisu ho comunidade sira husi relijiaun oin-oin, tanba nia haree katak rekoñesimentu ba relijian no diálogo entre relijiaun sira importante ba servisu nia dezenvolvimentu.

Progressio nia eskritóriu iha Timor-Leste, ema internasionál maka lidera maibé pesoál ema lokál, baibain halo ligasaun ho parseiru lokál sira. Progressio kombina advokasia ho buat ne'ebé nia bolu 'skills sharing' (fahe koñesimentu) entre pesoál Progressio ninian no organizasaun parseiru sira iha sociedade sivil. Iha situasaun ne'ebé nia haree katak iha duni nesesidade, Progressio tau traballador sira ne'ebé iha experiéncia kona-ba dezenvolvimentu iha organizasaun parseiru sira iha sociedade sivil. Prosesu rekrutamentu ba traballador dezenvolvimentu ne'e prosesu internasionál no iha objetivu atu atrai ema ho experiéncia no matenek, istória pesoál no kultura oin-oin. Alende fahe koñesimentu, traballador sira ne'e tenki fó korajen ba sociedade ida interligadu no interkultural global hodi nune'e bele fahe lisaun ne'ebé sira aprende iha kontestu oin-oin dezenvolvimentu nian.

Liu tiha nia apoiu ba Timor Leste nia independénsia, Progressio loke eskritóriu iha nasaun ne'e iha 2002. Maske Progressio iha parseiru lokál oin-oin iha Timor-Leste, nia halo servisu barak liu iha área jéneru ninian husi parseria ho Rede Feto.

## **Programa**

### *Servisu ho Rede Feto Timor-Leste*

Progressio hahú nia envolvimentu informal ho Rede Feto Timor-Leste iha 2000. Iha tempu ne'ebá Progressio nia membru Milena Pires servisu ho ema individual no organizasaun sira ne'ebé iha interesse atu harii feto Timor sira-nia rede, ne'ebé ikus mai bolu naran Rede Feto. Iha 2002, Progressio forma 'asesor kona-ba harii kapasidade' ba Rede Feto. Funsau ida-ne'e iha aspetu , ne'ebé inklui programa nia dezvoltimentu, administrasaun no manejametu finanseiru, hasa'e Rede Feto nia perfíl husi ligasaun ho grupu sira seluk, halibur fundus no fó assisténsia ba Rede Feto ho investigasaun no advokasia.

Bainhira halo servisu ba Rede Feto nia membru organizasional sira, ba diresau no ba sekretariadu, asesor kapasitasaun Rede Feto ninian agora ne'e (ne'ebé tuur iha pozisaun ne'e hahú iha 2005) fó atensaun liu-liu ba sekretariadu. Sekretariadu mak fasilita, koordena no administra Rede Feto nia atividade sira, tanba ne'e Progressio fiar katak dezvoltimentu sekretariadu nian importante liu ba rede tomak atu la'o ba oin.

Progressio nia konselleiru mak harii sistema administrativu no finanseiru - deskrisaun servisu individual no define responsabilidade manejametu no supervizaun ba pesoál dezvoltolve ona no knaar sekretariadu ninian sai ona efektivu. Ho Progressio nia tulun bainhira halo servisu iha Rede Feto nia estrutura, graduál sekretariadu sai hanesan órgaun koordenaun ida duké hanesan órgaun implementasaun ida. Progressio agora fó atensaun liu-liu ba dezvoltimentu atividade advokasia ninian atu fó korajen ba jéneru nia integrasaun iha organizasaun ne'e nia programa sira no hasa'e membru sira-nia kapasidade. Sekretariadu nia objetivu jerál ida mak atu asegura Rede Feto nia integrasaun no efisiénsia nu'udar rede ida tomak.

Alende servisu ho sekretariadu, Progressio nia asesor kona-ba kapasitasaun (capacity building advisor) servisu-lisuk mós ho diretora ezekutivu Rede Feto, board (diresau) no membru organizasaun sira. Hanesan ezemplu, Progressio nia asesor buka fó korajen ba komité atu halo tan atividade no reuniaun regular. Hamutuk ho direktor ezekutivu Rede Feto nian, Progressio nia asesor halo avaliaun organizasionál ba membru organizasaun ida-ida hodi klasifika sira tuir sira-nia nível funsionamentu. Hetan katak iha membru nain neen (6) husi membru organizasaun 17 Rede Feto nian ne'ebé mak iha naran. Liu husi fasilitasaun ba organizasaun sira-nia estrutura no misaun ninia dezvoltimentu, hodi fó oportunidade ba sira atu envolve iha rede nia atividade sira no loke possibilidade ba ajuda finanseira, Rede Feto no Progressio tulun organizasaun sira ne'e atu sai ativu liu tan.

Tuir nia vizaun jerál, Progressio fó mós korajen ba Rede Feto atu loke liu tan nia an ba diálogu entre relijiaun sira no ba membru foun. Rede Feto nia membru oganizasaun barak mak manifesta sira-nia fiar ba relijiaun katólíka ka fó apoiu ba relijiaun ne'e. Progressiu iha esperansa katak ho membru foun sira ne'ebé tama bele haluan liu rede nia baze relijioza, ezemplu, ba asosiasaun feto musulmanu ninian iha Baucau.

### *Seluk*

Progressio, ho nia naran ida uluk CIIR, publika ona iha lia Inglés no Indonesia, istória kona-ba servisu ne'ebé feto sira halo ba mudansa sosiál iha Timor-Leste, iha tempu Portugés nian to'ó ohin. *Independent Women: The Story of Women's Activism in East Timor* (2005) husi Irena Cristalis no Catherine Scott, ne'ebe servisu ho Progressio nia pesoal no nia parseiru sira iha Timor-Leste atu hala'o peskiza relevante.

## **Kontaktu**

*Edna S. Tesoro, Progressio Capacity Building Advisor ba Rede Feto:*

Post Rede Feto: PO Box 339, Dili  
Tlp: (670) 331 7405 (Rede Feto); (670) 728 3795 (Edna Tesoro)  
Email: progressiotl@googlemail.com; redefeto@yahoo.com;  
ednatesoro@yahoo.com  
Alamat Rede Feto: Mouzinho de Albuquerque, Colmera, Dili

*Husi: Trembath, Anna no Damian Grenfell, Mapa ba Lala'ok Buka Igualdade Jéneru: Atividade Ajénsia La Governamentál no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 63-65.*